



# ШЫН

НИИТИЛЕЛ-ПОЛИТИКТИГ СОЛУН

1925 чылдың  
август 31-де үнүп  
эгепээн

№ 97 (17045)

2005 чылдың  
сентябрь 1,  
четверг

Номерни парлалгаже  
дужааганы:  
график езугаар — 21.00,  
херек кырында — 20.00  
Садар өртээ — 3 рубль.

## РЫНОК ХАРЫЛЗААЗЫ ХӨГЖҮП ТУРАР

«ТываЭкспо-2005» деп регионалдар аразының II-ги бүдүрүлгө ярмарка-делгелге биштиң республикага болуп эрткенин билер болгай бис. Аңаа улуг ажилды чорудуп эрттирген организасть комитеттиң даргазының оралакчызы болуп киришкен, Тыва Республиканың Садыг, амыдырал хандырылга болгаш сайгарлыкчы чорукту хөгжүдөр яамының сайыдының хүлээлгезин күүседип турар Людмила Кимовна Салчактан биштиң корреспондентивис интервью алган.

— Людмила Кимовна, «Тыва-Экспо-2005» деп регионалдар аразының II-ги бүдүрүлгө ярмарка-делгелгезинге кайынкайыын, каш бүдүрүлгө кээп киришкенил? База ук ярмарка-делгелгени эрттиргениниң кол сорулгазы чүдөл? Номчукчуларга чугаалап берип көрүңерем.

— Аңаа Новосибирск, Бердск, Новокузнецк, Красноярск, Абакан, Черногорск хоорайлардан база кожавыс Моолдан, Тыва Республиканың Кызыл, Ак-Довурак хоорайлардан, Бай-Тайга, Сүт-Хөл, Тожу, Тес-Хем, Таңды кожуннардан шупту 61 бүдүрүлгелер киришкен. Оларның 87 хуузу биче бизнестиң бүдүрүлгелери болгаш хуу сайгарлыкчылар болган. «Тыва-Экспо» ярмарка-делгелгениң чыл санында информмасть биче базазы байып база хөгжүп, аңаа кириштирер бедик шынарлыг продукция бүдүрүп, хереглекчилерниң делем рыногунче кирип, оларның хүлээп көрүшкүнүн чедип ап турар бүдүрүлгелер көвүдээн. Ол

иштики рынокка, экспортка-даа улуг уjur-дузалыг.

Ярмарка-делгелгени янзы-бүрү: республика, регионалдар аразында, делегей чергелиг деңгелдерге эрттирип турарының кол сорулгазы чаңгыс — хереглекчилерниң сонуггалынга дүүштүр тус чер бүдүрүлгелериниң амгы рынок экономикасында чижилгеге арга-мергежилин бедидери болгаш бараан бүдүрер бүдүрүлгелериниң ажылының шынарын экижидер байдалды тургузары, амгы рынок экономиказының хамаарылгаларында бүдүрүлгелерниң быжыг туруштуг чоруун чедип алыры, тус черниң бүдүрүлгелериниң бедик шынарлыг бараанарының дугайында медээлерни хөй-ниитиге, хереглекчилерге чедирери болгаш оларның чедиишкенин чыылганнарга көргүзери. Ол бүгү бүдүрүлгө бараанарының шимчээшкиниге регионалдар аразынче, делегей деңгелинче үнер органы бээр уjurлуг.

— Аңаа кандыг эки түңнелдер чедип алдынганыл?

Албан медээзи

### БЕЛЕТКЕЛДИҢ ХЫНАЛДААЗЫ

Россия Федерациязының Чазааның социал хөгжүлдө болгаш долгандыр турар бойдушту камгалаар департаментиниң директору С.В. Калашников вторникте, август 30-де, биштиң республикада чедип келген. Федералдыг төптүң төлээзиниң сургакчылап келгениниң сорулгазы — чуртта боттандырып турар калбак масштабтыг реформаларны эрттиреринге Тыва Республиканың белеткелин хынаары болур.

Дүүн Тыва Республиканың Чазааның Бажынынга Ш.Д. Ооржактың даргалааны биле республиканың ямыларының, ведомстволарының, бүдүрүлгелериниң уdurтукчуларының С.В. Калашников-биле ажылчын уjurажылгазы болуп эрткен. Аңаа №122 болгаш 131 Федералдыг хоойлуларны амыдыралга боттандыраарының чоруп турарының дугайында чугаа болган. Сергей Вячеславович тус чер ботбашкарылгазының реформаларының эрге-хоойлу нормаларының, саң-хөө болгаш материал хандырылганының айтырыгларын болгаш катап тургустунган административтиг-девискээр тургузуларынга кадрлар белеткеленин, өнчү-хөреңгини аңгылаарының база бүрүн эргелерни дамчыдып бээри канчаар чоруп турарын сонуграан.

Россия Чазааның төлээлекчинин сонуграан бүгү айтырыгларынга долу медээлерни берген. №131 Федералдыг хоойлуну республикага боттандыраар 56 хемчегини 31-и күүсеттинген. Чүглө август айның дургузунда эрге-хоойлунуң нормативтиг 22 актыларын хүлээп алган. Россияның Чазааның сумелээни 72 шактыг өөредилге программасын план езугаар 560 кижини өөредир тургаш, тус чер ботбашкарылга органның 712 албан-дужаалдыг кижини өөреткен. Өнчү-хөреңгини аңгылаар болгаш үндүрүп онаар баазаны тодарадыр сорулга-биле өнчү-

хөреңги объектилерин даңзылаар, чурттакчылыг суурларның, аңгы-аңгы өг-бүлелерниң социал-экономикиг паспорттарын тургузар ажилды чорудуп турар. Ооң-биле чергелештир Тыва Республиканың Чазак Даргазы Ш.Д. Ооржак реформаларны боттандыраарында хамыктың мурунунда саң-хөө хандырылганы биле холбашкан кызыгы черлер барын демдеглээн. Черниң кадастр өртөөн чорударынга, шимчeves өнчү-хөреңгиниң рынок үнезин тодарадырынга, катап тургустунар администрацияларның материалдыг хандырылганынга эвээш звес акша-көпөөк херек болуп турар. Федералдыг хоойлужудулгада чедир кылдынмаан чүүлдер бергелерни тургузуп турар. Россияның өске регионнарының таваржып турар бергелери республикада бар, оларның дыка хөйүн федералдыг деңгелге шиптирлээри чугула.

№122 Федералдыг хоойлунуң күүселедин чугаалажып турар үеде чингелделер ап турар хамаатыларның байдалын экижидер хемчеглер алдынып турзада, бүгү чуртта ышкаш республикада монополистерниң тургусканы тарифтерниң дүрген өзүп турары-биле оларны «чип» турарын демдеглээн. С.В. Калашников хамаатыларны чингеткен өртектер эмнер-биле хандырылганын чугаалап тура, «РОСТА» хаагы акционер ниитилели берген чагыгларны долузу-биле хандыраар хүлээлгелиг, оон өске чугаа турбас деп айткан.

Уjurажылга доозулган соонда РФ-тиң Чазааның департамент директору «Каа-Хем» хөмүр-даш уургайынга чорраан, хоорайның бир аптеказынга баргаш, чингелделиг рецептилер-биле эмнерни берип турары-биле танышкан болгаш өске-даа албан черлеринге барган.

Юрий ВЛАДИМИРОВ.



— Ярмарка-делгелгениң ажылының түңнелинде билдингени биле алырга, бараан саарылгазының чоокшукаткан түңү 1,5 млн. рубль болган. Ол эрткен чылга деңгезге, 3 катап хөй болганы ол. Кады ажылдажылга дугайында 400 чөпшээржилге, 216 керээ чардынып, 64,5 млн. рубль түңгө протоколдар тургустунган. Ол эрткен чылгы «Экспо-Тыва-2005» ярмарка-делгелгеге деңгезге, 10 катап хөй болган.

Тыва Республиканың бүдүрүлгелери-биле хөй керээ чарган өске регионнардан келген бүдүрүлгелерни адаарга мындыг. Тудуг биз-

незинге чурттаарынга эптиг коттедж бажыңнар тударынга Новосибирск хоорайда «НИНОВАКС» ААН-биле инвестиция талазы-биле ажылга керээлерни чарган. Бүдүрүлгө-техниктиг сорулгаларга продукциялар дээш Новосибирск областың Бердск хоорайда «Норма-строй» деп фирма биле керээлер чардынган. Ук бүдүрүлгениң продукциязын республиканың чурттакчылары-даа, тудуг организациялары-даа сонугралдыг болуп, 1,0 млн. рубльге 2 керээ чардынган. Кургаг тудуг холумактары бүдүрер биче бүдүрүлгени организас-

таарының талазы-биле дугуржулга чедип алдынган. Улуг сонугралды «Энерготэк» ААН-ниң продукциялары оттурган. Кызыл кожуундан бир бүдүрүлгө траншей чокка канализация чорударынга ооң-биле керээ чарып алган. Ол фирма котельнаяларга, суг-биле чылыдар чылыг хандырылганын, төп одалгага, канализация болгаш тренаж кылырынга сордулар механизм тургузуларын, сордулар механизмнерни (насосстарны) бүдүрүп үндүрүп турар.

Оон ыңай Черногорск хоорайдан «Сывел плюс» деп лактыг будуктар бүдүрер завод 8 организация-биле лактыг будуктар продукцияларын дорт экеп бээр керээлерни чарган. Черногорск хоорайдан «Сибэнерго» ААН республиканың 20 бүдүрүлгези-биле чылыг солустураар дериг-херексел, суг изидер, бустуг котелдар септээр, бүдүрер талазы-биле керээлерни чарган. Оон-даа ыңай Новосибирскиниң прибор кылыр заводу, Абакандан «Тэохим», «МавР» АПК, Новосибирск хоорайдан «Климатика» деп компания биштиң республиканың бүдүрүлгелери-биле керээлерни чарган. «Корс» деп идик бүдүрер фабрика-биле ооң продукциязын бүдүргөн өртөөндөн 25 хуудан эрттир өстүрбейн садар тускай идик салбыры организастаар дугайында чугаа чедиишкени болган. «Корс» бүдүрүлгезин моол өнчүктер Моолга болур ярмаркаже чалаан.

(Уланчызы 2-ги арында).

### СЕНТЯБРЬНЫҢ БИРИ-БИЛЕ!



«Бир-ле дугаар бири классче...»  
Василий БАЛЧИЙ-ООЛДУҢ фотоэтоду.

Сентябрьның бири келген. Чаа өөредилге чылын уткаан баштайгы коңганың өткүт үнү бөгүн ажы-төлүвүстү школаларже кыйгырып тур. Байырланчыг шак бо хүн эң баштайгы школаңың экин ачып келген биргиклассчыларга болгаш доозукчу 11-ги классчыларга уттундурбас хүн болуп артар. Бөгүнүгү коңганың чаңгызы оларга кезээ назыда төрөөн школазын, ынак башкыларын сагындырып артар.

Республиканың школарынче сентябрь бирде 62860 өөреникчи өөренип кирер. 176 чырык, чараш школалар оларны хүлээп алырынга белең.

Сентябрьның бири — биштиң ажы-төлүвүске чүглө өөрүшкүнүн, өөредилгениң байырлалы болзун!

Бесланың № 1 школазынга болган дерзин дээр бечилерниң өлүмнүг үүлгедии дег айыыл-халап кажанда-даа, каяа-даа катаптавазын! Ону болдурбас дээш ада-иелер, башкылар, бүгүчон серемчилеливисти күштелдирээлиңер. Өөреникчи оолдар, кыстарның сагышсеткилин чүглө өөрүшкү долуп турзун!

Чаа өөредилге чылы-биле уруглар, эргим башкылар!











# Чаа өөрөдидилге чылды-биле!

## „АКАДЕМИК“ ШКОЛАВЫС

Алаш биле Дапсы хемниң Аразында шөйлүп баткан, Алгыг-делгем кудумчуда, Аажок чараш школа бар.

Клуб-биле деңге чаржып, Культураның одаа болуп, Дискотека, танцы, ыры Диңмиттелген школавыс.

Ажы-төлдүн өөрүшкүзү „Академик“ школавыс Алдар-аттыг, хүндүткелдиг, Арбын көвей башкыларлыг.

Сайгылгааны чайыналган, Сайзанаг дег суурувустун Ажы-төлү, башкылары Ам-даа улам хей-аът кирзин! Дүмөн-оол ИРГИТ. Дапсы-Аксы. Кара-Хөл.

## ХООЧУННАРНЫҢ БИРЭЗИ

2005-2006-чаа өөрөдидилге чылын Кызылдың көдээ ажил-агый техникуму өске өөрөдидилге черлери-биле бир дөмей эки белеткелдиг уткуп турар. Тургустунуп келген төөгүзүндөн бээр техникум Тываның улус ажил-агыйына ажалдаар кадрларны хөйү-биле белеткеп келген. Бөгүндө көдээ ажил-агый хоозураан байдалдаа болза, үениң аайы-биле өскертилгелерни кылып, херек болуп турар аларган чаа-чаа мергежилдерни ажыдып, сургуулдарны доостуруп үндүрүп турар. Эрткен чылын техникумну 120 кижип дооскаш, аңгы-аңгы мергежилдиң дипломнарын алган. Эки өөрөдидилгелиг дооскаш, улаштыр дээди өөрөдидилге черинче кирип алганнар база эвээш эвес. Ол дээрже ында ажилдап турар, бедик арга-дуржулгалыг, хүлээнген ажылынга ак сеткилдиг башкыларны кызымак ажылының көскү түнели-дир. Коллективте хүндүткелдиг башкыларның адын чаа өөрөдидилге чылының бирги хүнү — сентябрь 1-ниң байырла-лында чоргаарал-биле адап болур. Ол дээрже Антонина Герасимовна Федорова, Валентина Николаевна Ермолина (көдээ ажил-агый салбырының башкылары), Екатерина Петровна Краснова (бухгалтерлер башкызы), Оксана Өлзей-ооловна Бегзи (мал эмчилериниң башкызы), Салбак Александровна Кара-оол (даштык дыл), Роман Кызыл-оолович Шинин (күш-культура) база директорнуң ажил-агый талазы-биле оралакчызы Сергей Ильич Метелев олар-дыр.

Чылдан чылче башкылар ол-ла

состав-биле өөрөдидилге чылын эгелеп, доозуп турар. Ажилдак-чыларның ажилдан үнер-кирер чоруу шуут ховар. Ол дээрже техникумнун администрациязының кадрлар-биле үре-түннелдиг ажылының ачызы дээрзи чугаажок.

Техникумнун сургуулдарының өөренир бажынының септелгезин июль айда-ла дооскан. Кабинеттер дериттинген, чырык, чылыг. А ниити чуртталга бажыны база долузу-биле септеттинген, ону кылырынга сургуулдар боттары улуг үлүг-хуузу кириген. Көдээ ажил-агый техникумнун ниити чуртталга бажыны бо чоокку чылдарда хоорайда (өөрөдидилге черлериниң) эң-не дээрелериниң санында кирип турар. Ында арыг-силиг-даа, сагылга-чурум-даа быжыг.

Бо чайын абитуриентилер эвээш эвес болган, конкурс улуг. Мал эмчизи, экономист, бухгалтер, аудитор, фермер, сайгарлыкчы дээр ышкаш мергежилдерге өөрөдири-биле сургуулдарны хүлээп алган. Чаа өөрөдидилге чылында бир дугаар ажыттынып турар бөлүк база бар, ол дээрже страхование талазы-биле тускай мергежилдиглерни доостурар бөлүк-түр.

Республиканың сайзырап-хөгжүүрүнө эргежок чугула кадрларны белеткеп турар бо өөрөдидилге черин дооскан мен деп чоргаарланып чоруур кижилер хөй болгай, оларның саны ам-даа чылдан чылче немежир дээрзи чугаажок.

Светлана ДАЧЫН-ХӨӨ.

## УГУН САЛГААН...

Бай-Тайганың Шуй сумузунда хөйге, чонга хүндүткелдиг башкылар — күжүгеттерниң өг-бүлөзи чурттап орат. Олар бир оол, үш кысты өстүрүп, кижизиткен. А өөрөткен, эртем чедирген ажы-төлүн санаар болза, та чеже чүвө! Ынчангаш Зоя Шагаалаң, Күргек Аракчаа Күжүгеттерге мөгейип, оларның буянынга өөрүп чоруурлар суурувуста эмгежок. Өг-бүлениң улуг уруу Аяна авазының изин истеп, башкы мергежилди чедип алган. Ол Барыын-Хемчик кожунунун Аксы-Барлык суурда ажилдап, чурттап чоруур. Күжүгеттерниң оглу Аңнаар-оол Тээлиде профтехучилищеде мастер башкы. Оон өөнүң ишти база башкы. Оон бичи оглу Аңгыр Тываның күрүне университетинде география факультетиниң үшкү курузунда өөренип турар. Хеймер оглу Аңчы — школачы. Хүндүткелдиг ада К.А.Күжүгет 1972 чылда Кызылдың көдээ ажил-агый техникумун дооскан. Ол бүгү назынында школага мал ажылы (животноводство) башкылап, чолаачылар өөрөдидил келген. Күш-ажыл стажы 35 чыл ашкан. Сөөлүндө Шуй суурга Ак-Дову-

рактың автошколазының салбырын ол ажыткан. Бүдүн суурнун улуг-бичи кижилерин машина мундуруп өөрөткен дизе хөөредиг болбас. Оон өөрөдидил каан өөреникчилери республиканың аңгы-аңгы булуңнарында ажилдап, чурттап чоруур. Ол суурнун улуг аңчызы, балыкчызы, спортчузу. Кылбас-тутпас чүвези чок башкы, ылангыя мячилиг хоккей ойнаар талазы-биле арга-дуржулгалыг спортчу. Хөй чылдарда үре-түннелдиг ажылы дээр К.А.Күжүгет ДОСААФ-тын Хүндүлел бижии-биле шаңнаткан.

Зоя Шагаалаң база бедик арга-дуржулгалыг башкы. Билии, дуржулгалыг четчир-даа болза, ол доктаамал дилээшклинде, чогаадыкчы ажилда. Ынчангаш оон кичээлдерди дыка солун. Хар-назы дөгээн-даа бол, олут орбас, аргыттынган, дааранган орат. Башкының шаңнал-макталдары-даа хөй.

Аравыста мындыг онзагай кижилер чурттап чорда, ажы-төл дээр сагыш чиик, сергек.

Дадар-оол СУРҮН. Шуй. Бай-Тайга.



Ийги класстың тергийн эки өөреникчизи — Айдыс Кара-оол.

Чаа өөрөдидилге чылының бүдүүзүндө Би-Хем кожунунун Сесерлиг школазынга өөрөдидилге чылынга белеткелин, ажил-амы-дыралын сонуургап, четтивис. Школаның директору С.Х.Ачын-оол, директорнуң өөрөдидилге талазы-биле оралакчызы Т.А.Допчаа олар ажил-агый аайы-биле Кызыл хоорай кире берген, чок болду. Бисти директорнуң кижизидилге талазы-биле оралакчызы Алевтина Маадыр-ооловна Удумбара уткуп алды.

Эрткен 2004-2005 өөрөдидилге чылында Сесерлиг ортумак школазын 152 өөреникчи дооскан. Оларның 27-зи тоску классты, 10 кижип 11 классты дооскан. Күрүне шылгалдаларын шушту эки дужааган. Оларның ийизи дээди өөрөдидилге, 7-и тускай ортумак өөрөдидилге черинче кирип алганнар.

2005-2006 өөрөдидилге чылында 151 уруг өөренип кирер, оларның 12-и курзук диштиг, чаптанчыг биргиклассчылар. Уругларны 32 башкы эртем-нерниң „далайынче“ эжиндирип кирир, оларның 22-и дээди эртемниг башкылар. Школа чаа өөрөдидилге чылынга шушту талазы-биле белеткенип алган. Класстарның септелгезин ада-иениң күжү-биле чайгы үеде, июнь айда-ла, кылып алган болду. Ада-иелерге школа септелгезинге кезээде идепкейлиг киржип турары дээр школа администрациязының мурнундан өөрүп четтиргенин солун дамчыштыр илередирин башкылар дилээн. Чаа өөрөдидилге чылынга белеткел дээр чарлаттынган мөөрейге Сесерлиг школазы үшкү черни ап, 1 муң рубль-биле шаңнаткан.

Бо 2005 чылда Би-Хем кожунунун төвү Туран хоорайның 120 чыл оюн база демдеглеп эрттирер болгай. Аңаа тураскаадып Сесерлиг школазы сентябрь 1-де байырлыг чыскаал үезинде чечектер мөөрейн чарлаан. Класстар аңаа идепкейлиг белеткенип турар, байырлыг чыскаал соонда, Тиеллениң 60 чылынга тураскааткан спортчу оюннарны организастап эрттирер.

Уругларны Тываның болгаш Россияның төлөптиг хамаатылары кылдыр кижизидер сорулга-биле школада „Аныяк Тыва“ деп

уруглар эвилели ажилдап турар. Ол эвилелче школада өөренип турар шушту уруглар кирип турар. „Россияның хамаатызы мен“, „Хамааты кижиниң кол документиши — паспорт“ база Тиеллениң 60 чыл оюнга тураскааткан „Тыва эки турачы кыс — Вера Байлак“, „Дайынга чок болган улустун чырык адынга төлөптиг болур бис“, „Маадыр пионерлер“,

„Тиелелге салюду“ дээр чижектиг кезээлерни, класс шактарын, чыыштарны эрткен өөрөдидилге чылының дургузунда удаа-дараа

спорт талазы-биле эки көргүзүг-лерни чедип алган. Ол школага спорт шөлүн кылып каан, хаак спортун сайзырадыр дээр дыка кызып турар, школада хаактар чок-даа болза, өскээртен дилеп эккелгеш, уругларны хаактадып өөрөдидил турар. Школаның өөреникчилери Эчисмаа Тодуп (8 кл), Долума Лапчар (8 кл), Арат Салчак (9 кл), Алдын-Херел Тондуп (4 кл) республика чергелиг чадаг-чарыш маргылдаазына чемпионнар болган. Кожуун чергелиг хаак маргылдаазына Арат Салчак бирги черге төлөптиг болган. Школаның уруглар командазы Тываның Чазак Даргазының кубогу дээр болуп эртип турар республика чергелиг маргылдаага кожун адын камгалап ойнааш келгеннер.

Интернатта турар уруглар-биле катай амыдыралы чегей өг-бүлелерниң уруглары 60 хире өөреникчини хүнде үш катап изиг чем-биле чемгерип турары дыка эки.

## Бирги классчы „курзукчыллар“



Эки ажилдыг башкы О.О.Кара-оол өөреникчилери-биле.

эрттирген. „Чылдың кязы“ деп конкурска эге класстар аразындан 2-ги классчылар (оларның башкызы Ольга Ондаровна Кара-оол) база үстүкү класстардан 8-ки классчылар (башкызы Алдынай Григорьевна Ооржак) төлөптиг болганнар.

Өөрөдидилге чылының дургузунда 7 бөлгүм, 8 спорт секциялары уругларны хаара тудуп, ажилдап келген. Ыры болгаш чазанылга бөлгүмнеринде уругларның көргүзүглери чыл төнчүзүндө эки деп демдеглеттинген. Сесерлиг школазының өөреникчилери кожун чергелиг „Бо ырыларны утуп болбас ужурлуг бис“ деп конкурска үш дугаар база чазап каан чүүлдер делгелгезинге бирги черге төлөптиг болганнар. Бо өөрөдидилге чылында „Хор“ бөлгүмүн ажыдар деп турар.

Кызылдың башкы колледжиниң доозукчузу Артур Валерьевич Шагдыр эрткен өөрөдидилге чылында бир дугаар ажилдап келген-даа болза, бодунун талазындан кызымак чоруун көргүзүп,

Моон мурнунда чүү-даа чок тонаттына берген турган интернатты ТР-ниң Чазак Даргазы Ш.Д.Ооржак катап септедип берген.

Школаны 26 чыл стажтыг Саяна Хомушкуевна Ачын-оол билдиги удуртуп турар. Коллектив директорунун ажылын дыка мактаар, үнелээр болду. Школаның эки ажилдыг башкыларына Т.А.Допчаа, А.М.Седен-оол, А.М.Удумбара, А.Х.Седен-оол, О.О.Кара-оол олар хамааржыр.

Директорнуң кижизидилге талазы-биле оралакчызы А.М.Удумбара чаа өөрөдидилге чылынга Сесерлигин амыдыралы чегей өг-бүлелери безин бойдушту катчимис, тооруун чыып, садып тургаш, уругларын дыка чараш кылдыр кедирип, өөрөдидилге херекселдери-биле четчелеп берип турарын чугаалады. Сесерлигиниң школачыларынга, башкыларынга чаа өөрөдидилге чылы-биле чедишкенин күзөдивис.

Алдынай САЯА. Василий Балчий-оолдун тырттырган чуруктары.

